

辭焉遂稱疾歸閉門講學從者千數百人號康齋居士

婁克貞

處士婁克貞先生諒上饒人也少與吳康齋游其學以收放心爲居敬之門以何慮何思勿忘勿助爲居敬要旨王陽明嘗受業焉號一齋先生

陳白沙

達士陳白沙先生獻章廣東新會人也中鄉舉卽屏居不出聞江西吳康齋講學臨川遂棄其學而學焉教人不立語言文字以主靜爲先隨處體認天理緊要在勿忘勿助又曰學者以自然爲宗以忘己爲大以無欲爲至布政使彭韶總督朱英聞其名交章薦劾乞以禮徵聘吏部尙書某謂獻章例應聽選非隱士比安用聘召至京令就試吏部獻章稱疾不起乞歸奉母乃授檢討自後屢召不起

薛敬軒

達士薛敬軒先生瑄字德温山西河津人也登進士第官禮部侍郎天順間在閣數月見石亨等用事嘆曰君子見幾而作不俟終日遂致仕歸隱居龍門山中其學以復性爲主充養邃密言動皆可法著讀書錄二十卷學者宗之

張海觀

逸士張海觀先生錫錢塘人也天順壬午領鄉薦春闈不偶授

道藏輯要

三丰全集 隱鑑

三

續畢集七

山陰教諭旋即引退林泉家有竹數竿作亭其內名曰醫俗並自爲記以贊之其略云余退閑之志旣不可醫乃挂冠神武門幾二十禩旣而作老圃於家種篔簹數百箇皆着鞭持節因作小亭於其間爲柱六覆以茅取窮樸之意坐於是亭則清聲戛玉醫耳之繁囂幽香細細醫鼻之銅臭桐葉如翠醫目之塵氛筍供茶饌醫口之貪饕虛心勁節又可以醫夫自滿而失守者因取披老詩名之曰醫俗亭噫世有高梁畫棟而主人則俗者何不一過此亭哉

金元玉

逸士金元玉先生琮上元人也嘗游浙之赤城山徊徘徊不忍去

道藏輯要

三丰全集

隱鑑

三

續畢集七
川百文上

因自號赤城山農居嘗遐嘯清視人莫能窺處已接物高簡粹白與史癡翁同稱金陸二隱癡翁名忠性豪爽不事權貴自號癡翁署所居樓曰卧癡

唐伯虎

達士唐伯虎先生寅吳人也舉南畿解元以寃錮遂放浪形跡然其出入天人間宸濠慕而聘之寅度濠有反志佯狂自免奇趣溢發或寄於詩或托於畫文采風流照耀江左圖其石曰江南第一風流才子晚皈依佛乘自號六如居士

羅達夫

達士羅達夫先生洪先吉水人也以進士第一官贊善疏請預